



NORMATIVA MEDIANTE A QUE SE ESTABLECE O PROCEDIMENTO PARA O RECOÑECEMENTO ACADÉMICO DE CRÉDITOS POR PARTICIPACIÓN EN ACTIVIDADES UNIVERSITARIAS DE COOPERACIÓN, SOLIDARIAS, CULTURAS, DEPORTIVAS E DE REPRESENTACIÓN ESTUDIANTIL NOS GRAOS DA UDC.

O Real decreto 822/2021, de 28 de setembro, polo que se establece a organización das ensinanzas universitarias e do procedemento de aseguramento da súa calidade, que derroga o Real decreto 1393/2007, do 29 de outubro, establece no apartado 9.c) do artigo 10, sobre os procedementos de recoñecemento e transferencia de créditos académicos nos títulos universitarios oficiais, o seguinte:

“Serán obxecto destes procedementos os créditos relativos á participación do estudantado en actividades de cooperación universitaria, solidarias, culturais, deportivas e de representación estudiantil, que en conxunto equivalen, como mínimo a seis créditos. Así mesmo, poderán ser obxecto destes procedementos outras actividades académicas organizadas pola universidade con carácter docente. En ningún caso poderán supoñer a totalidade dos créditos obxecto do recoñecemento establecido na letra c) deste artigo, máis do dez por cento do total de créditos do plan de estudos.”

De conformidade co disposto, procede establecer aquelas competencias que o alumnado pode adquirir pola súa participación en actividades universitarias susceptibles de recoñecemento por parte da UDC conforme aos seguintes criterios e procedemento.

Artigo 1. Competencias universitarias

Nas titulacións de grao recoñeceranse as competencias adquiridas polo alumnado mediante a súa participación en actividades de cooperación universitaria, solidarias, culturais, deportivas e de representación estudiantil, coa obtención de cando menos 6 créditos e até un máximo de 12 créditos correspondentes a materias optativas do plan de estudos que se estiver a cursar.

Os créditos que se recoñecerán, segundo as actividades desenvolvidas polo alumnado para o curso académico correspondente, figurarán no Anexo I da resolución reitoral vixente nese curso académico.

Só se recoñecerán actividades desenvolvidas durante o tempo en que a persoa solicitante estiver matriculada na UDC.

Artigo 2. Competencias nucleares da UDC

As competencias nucleares, son definidas pola Universidade da Coruña como aquelas que son esenciais e comúns a todas as titulacións, coa pretensión de que poidan ser adquiridas por todos os titulados.

Os créditos que se recoñecerán, en función das actividades desenvolvidas polo alumnado para o curso académico que corresponda, figuraran no Anexo II da resolución reitoral vixente nese curso académico.

Só se recoñecerán actividades desenvolvidas durante o tempo en que a persoa solicitante estiver matriculada na UDC.

Sen prexuízo de se realizaren as actividades formativas incluídas nos distintos plans de estudo, a adquisición destas competencias poderá efectuarse mediante accións formativas específicas como as que se desenvolven desde distintos servizos, centros ou outras unidades da Universidade da Coruña.



Artigo 3. Procedemento de recoñecemento académico de créditos

O procedemento de recoñecemento de créditos terá as seguintes fases de tramitación:

Primeira. Solicitud por parte da persoa interesada, perante os órganos correspondentes dos recollidos nos citados anexos I e II, da expedición da acreditación de ter realizadas as actividades para as que solicita o recoñecemento académico en créditos. Na solicitude deberá indicar a titulación e o centro a que pertence.

Segunda. Expedición da acreditación por parte do órgano responsable, que será entregada ao solicitante.

Estarán exentos de realizar a solicitude indicada na fase primeira, os estudantes que realicen actividades que se acrediten de oficio pola Administración, e non será precisa a expedición da acreditación prevista na fase segunda, naqueles casos nos que os estudantes estean en posesión de certificados de asistencia ou superación que xa conteñan todos os datos que deben constar na acreditación, e xa estean asinados polo órgano responsable.

Terceira. Solicitud do recoñecemento de créditos académicos formulada pola persoa interesada ante o decanato ou a dirección do centro en que estiver a cursar os seus estudos, acompañada da(s) certificación(s) mencionada(s) no apartado anterior e da formalización do pagamento dos prezos que corresponderen, se é o caso, por este concepto.

Para estes efectos, o alumnado interesado poderá realizar a solicitude do recoñecemento de créditos no momento en que a suma dos créditos que consten nas certificacións que obtivo nunca sexa inferior ao número de créditos dunha disciplina ou materia de carácter optativo.

Cuarta. Recoñecemento académico nos créditos correspondentes a disciplinas ou materias optativas no expediente do alumnado, efectuada pola administración do centro pertinente. Para estes efectos o recoñecemento só poderá realizarse tomando como base a disciplina ou materia, nunca en créditos soltos, por ser esta a unidade de matrícula. Este recoñecemento non incorporará unha cualificación.

Este procedemento administrativo de recoñecemento de créditos poderá ser modificado coa implantación dos procedementos da e-UDC sen que for precisa unha nova aprobación por parte do Consello de Goberno. O novo procedemento incorporárase como anexo a esta normativa.

Disposición derogatoria. Queda derogada a Normativa mediante a que se establece o procedemento para o recoñecemento académico de créditos por participación en actividades universitarias nos graos da UDC, aprobada por acordo do Consello de Goberno do 17 de xullo de 2012.

Disposición final. Facúltase o vicerreitor ou a vicerreitora con competencias en organización académica e titulacións para elaborar as normas complementarias precisas para desenvolver esta Normativa.